

اِسْتِغْنَا

نومرو ۱۵

بِخِشَبَه

۱۸ کانون اول ۱۳۲۴

مقیده مختلفه پندنده کی عظیم نسبت سزایکدن متولد عدم تناسب وانظامدر .
 آدن سوکره جالب دقت اولان جهت ایه زراعت ، صنعت ، تجارت کی
 مسالک عملیه اربابنک فرانسه مجلس مبعوثانته قلت اشتراکی وبالعکس مسالک
 نظریه اصحابیه مأمورین حکومتک اکثریت مبعوثانی تشکیل اتمه سیدر .
 بولوچه مسالک مختلفه اربابنک انکاتره مجلس ملیسنده کی نسب اشتراکی
 مصور اولان ایکنجی لوحه ایله مقایسه ایدیلیر ایه کیفیت پیش نظر اهمیتده
 برقات دها تبارز ایدر . هله انکلیز لک لوردلر قاره سنده بولان اعیانک همان
 منحصرأ اراضی جسیمه مزروعه اصحابندن مرکب اولدقلری دوشونولورسه
 انکاتره ده ارباب زراعتک مجلس ملی به اشتراکاری بولوچه ده کورولن نسبتک ده
 فوقده اولدینی آکلاشیلیر .

یشته انظار قارئنه عرض ایله دیکمز ایکی لوحه فرانسه وانکاتره مجالس
 مبعوثاننده مسالک متنوعه اصحابنک نسبت اشتراکی عمومی بر نظرله کوستریور .
 شمیدی ده مسالک مذکوره دن هر برینی آری آری تدقیق ایدم :
 (دوام اولنه جقدر)

اجرا قانون موقتی حقننده کی مطالعات

چکنکی مقاله مزده اجرا قانوننک بعض احکامی حقننده بسط و تمهید اولمش
 دین اینچون حبس کیفیتنک یکده موافق معدلت اوله میه جنی یولنده سرد افکار
 ایدلش ایدی . بودفعه ده قانون مذکورک احکام سائر سه دار مطالعات قاصرانه مک
 مختصرأ سرد و بیانته ایدار اولنور . شوبله که قوانین موجوده مزاینجده لک زیاده
 اهمیت شایان بر قانون ده اجرا قانونیدر دینیلور زیرا اجرا مسئله سی ثمره
 عدالت ، متمم معدلتدر اجرایه مظهر اوله میان بر اعلام نه درجه حق وعدله
 مقرون اولسه بر فائده نی انتاج ایتمز بر مغدور انجق الزده کی اعلامک اجرا سیله
 نائل عدالت اوله ییلور الیوم مرعی الاجرا اولان قانون اجرا بر قانون موقددر
 مجلس مبعوثاننک تصدیقه اقتران ایدرایسه بایدار اوله جق ایتمز ایه دوچار

تعدیل اوله جفی درکاردر بنا علیه اسباب مسروده به مبنی قانون مذکور حقیقه تعمیق فکر و تنقیدات یولنده ایراده مطالعه اتمک فائده دن خالی اوله ماز . دولتمزده اجرا قانونندن اول اجرا جمعیتنه مخصوص بر نظامنامه موجود ابدی بو نظامنامه زمانک ترقیاتی ایله مناسب کورلمدیکندن بو باده بر قانون لایحه سنک تنظیمی علی شهباز افندی مرحومه حواله ایدلمش مشارالیه طرفدن قلمه النان لایحه نک اوج سنه صکره نصفندن زیاده سی تعدیلاته اوغرا دیله رق بو قانون وجوده کتورلمشدر اجرا معاملاتنک بر جمعیته تودیبی مصیب بر کیفیت اولمدیغندن اجرا لغو ایدیلهرک معاملات اجراییه محکمه رئیس لرینه تودیع اولمشدر بو اجرا قانونی اعلامات حقوقیه و تجاریه حقیقه جاری اولوب اعلامات شرعیه ایله بطریقخانه و متروپونیدخانه لردن و بریلان اعلامات حقیقه مرعی الاجرا دکلدر اعلامات شرعیه اجرا دائره سنک کندیسنه مخصوص بر عملیاتی واردر و قیله اعلامات مختلطه ایچون خارجیه دائره سنده خارجیه کتاتی نامیه بر مأموریت اولوب اجانبه متعلق اعلامات مأموریت مذکوره جه اجرا ایدیلور معاملات اجراییه بر اصول وقاعده به تابع اولمیه رق جریان ایدرایدی بونک دولته مخدوری کورلدیکندن اعلامات مختلطه ایچون بو قانون احکامیه عامل اولاق اوزره تجارت اجرا مأموریتی نامیه عدلیه نظارت سنده بر مأموریت احداث ایدلمشدر اجرا قانوننک تاریخیجه سی بوندن عبارتدر .

ثمره تجاریه و کثرت توغله مبنی قانون مذکورک احکامه تضاده سبله شایان تعدیل و تصحیح اولان احکامی بوجه زیر عرض اولنور . اجرا قانون سنده یکدیگرینه ضد و متباین احکام بولمادینی وهله معلوم اولمیان بر کیفیتدر . حالبوکه تعمیق فکر و تدقیق ماده ایدلده یکدیگرینه تمامیه ضد احکام موجود اولدینی تظاهر ایدر . اجرا قانوننک (۵۳) نجی ماده سنده مدیونک کندیسنک و اولاد و عیالنک تعیش و اداره سنه کافی اموال و املاک و اراضیسنک صائیه میه جفی مسطور اولسنه قارشو مدیونک اتقای دینده تمردی و ایضای دینه قدرتی اولدینی تحقق ایتدیکی حالده دانسک طلبیه طقسان برکونی تجاوز ایتماک اوزره حبس ایدیله جکی

(٣٢) و (٣٥) نجی ماده لرنده محرر و مقیددر . شو احكامك بریسی مدیونك وعائله سنك اداره سنه کافی اموال و املاكك صائیه میه جفتدن دیگرى ظاهرده اموال و املاكدن مبرا برکیمسه نك دینی ایچون حبس ایدلمسی لزومندن عبارتدر . ده ارباب صنایعك واسطه تعیشلری اولان آلت صنعتلری نك صائیه میه جفی حکمی مشتملدر . مدیونك بر طرفدن حبسی تجویز اولنوب دیگر طرفدن اولاد و عیالتك واسطه تعیشلری اولان اشیانك مداخله دن مصونتی تصویب ایدلمسی یکدیگری نقض ایده جك برر معامله در . مدیونك حبسی حالنده اجرای صنعته مقتدر اوله بیله جکی و اولاد و عیالتك تعیشدن محروم قالیه جقلری فرض ایدلمش اولیور . بوفر ضیانتك بطلانی رهین بدهتدر . بوکافارشو (مدیون ذیقدرتسر انك ایچون حبس اولنور .) دینلور ایسه ده مجرد ذیقدرتدر دینلمسی شایان قبول اولمیوب اهل صنایعدن اولدیغنك ثبوتی لازم بشقه صورتله مدیونك ایقای دینه قدرتی بولندیغنك انباتی محالاتدن معدوددر . مدیونك وشخص ثالثك یدنده بولسان نقود و اشیانك حجز و فروخته تشبث و اصول و قاعده سنه توفیقاً معاملات اجراییه نك صور جریاتی متضمن قانون مذکورك (٤٧) و ٤٨ و ٤٩ و ٥٠) نجی ماده لری صراحت کافی بی مشتمل اولدیغندن معاملاتده ترددی موجب و برخیلی قیل و قالی مستلزم اولمقده در . حتی انجمن عدلیه نك بوبایده بوماده لرك صراحتیه غیر قابل تألیف اولمق اوزره بر مذکره سی موجوددر . مدیونك یدنده یعنی النده و اوزرنده بولان نقود و ذیقمت اشیانك حجز اولمق اوزره اخذی جائز اوله میوب بوکافارشو حبس ایدلمسی لازم کله جکی مطالعه سی در میان ایدلمش ایسه ده تفسیر مذکور ایکی نقطه نظر دن مردوددر . بریسی دانك حق غائب اولمسی اعتباریه عدالته منافی اولمسی دیگری صراحت قانونیه به مغایر بولنمسیدر . چونکه صراحت مقابلنده دلالت اعتبار یوقدر . واقعا عبارء قانونیه ده محرر (ید) کله سی اکثریتله مجازاً مستعمل برکله ایسه ده بونك یرینه کوره معنای حقیقیسنده استعملانده بر بئس اوله میه جفی و الانجی ماده نك طرز و بیانی بوفکری تضمن ایتمکده اولدی بی و ارسته تذکاردر . مع هذا عدالتك تمامی جریاتی ضمنتده قانونه بوبایده صراحت

کاملہ درج ایدملیدر . قانون مذکورک (۵۳) نجی مادہ سندنہ قابل حجز اولان اموال و املاک ذکر و تعدادی صرہ سندنہ مأمورینک ربع معاشلرندن فضلہ سنک حجز و توقیفی جائز اولہ میہ جنی کو سترلمش . و بومادہ نك علاؤ سندنہ مهر و نفقہ یہ عائد دین ایچون معاشک نصفنہ قدر حجز ایدیلہ جکی بیان اولنمشدر . مأمورین دہ لٹک معاشلریلہ قناعت ایتملری و ادارہ تعیشلرینی بواندازہ کورہ تطبیق ایتملری لازم کلور ایکن بر مدت قلیلہ ظرفندہ تأدیہ ایتمک اوزرہ استقراض ایتمک لری مبالغی تأدیہ دن امتناع وایشی محکمہ لرہ دوشور ووب معاشنک قطعنہ مجبوریت حاصل ایتمدرملری پک شایان تقدیر بر حرکت اولسہ کرکدر . بناء علیہ مأمورینک نصف معاشلرینک حجزی جائز اولملی و داسلرک حقوقی محافظہ ایدملیدر . نظر قانونندہ مأمور اولیان بر کیسہ ایلہ مأمورین بیتندہ مساوات بولنسی اک زیاده نظر دقتہ انہ جق بر نقطہ در . مثلاً بیک غروش وارداتی اولان بر کیسہ نك بشیوز غروش دینی ایچون حجز ایدیلوب متباقی بشیوز غروش اداره سنہ کافی عد اولنہ رق کندیسنہ ترک اولنور . اوکیسہ مأمور اولدینی حالده ایکیوز الی غروشک حجزی لازمدر . بناء علیہ بوبابده مساوات و معدلتک محافظہ ایدیلہ مدیک رونغوندر .

مدیونک اموال و املاکنک حجز و فروختی بحثنہ کلنجه . قانون مذکورک (۵۹) نجی مادہ سندن (۶۲) نجی مادہ سنہ قدر مواد بوبابده جاری اولان اصول و قواعدی مشتملدر . فقط مجوز املاک مزایده و سایر مراسمی حقنہ برصراحت اولیوب بوبابده دین ایچون اموال غیر منقولہ نك فروختی حقنہ و برنجی جلد دستورده مندرج اسکی بر نظامنامہ یہ تطبیقاً اجرا اولنقدہ در . غیر منقولاتک مزایده سی حقنہ علی العموم طقسان برکون مدت مزایده تعیین ایدلمش ایلک مزایده مدتی (۶۱) کون دوام ایدوب مدت مذکورہ نك ختامندہ موقت قراردادہ سی کشیدہ و ایکنجی دفعہ ده اوتوز برکون دها مزایده دوام ایدہ رک مدیونہ اخبارنامہ تبلیغ ایدلکد نصکرہ دفترخانہ یہ مذکرہ یازیلوب ایجابی اجرا ایدیلہ جکی بیان اولنمشدر .

بشیوز غروش قیمتی خاز بر ترا ایله بشیوز بیک غروشلق بر عقارک مدت مزایده سی عینی مدت لردن عبارتدر حالبوکه بومدتلر طقسان برکون اولمق اوزره قانونده محرر ایسه ده غزته ایله اعلان و اخبارنامه تبدیلی و سائره کبی معاملاتک ایفاسی و اجرا مأمورلرینک بطاقتی بوطقسان برکون مدتی لاقلا اوچ درت طقسان برکونه ابلاغ ایلدیکی مشاهدات واقعه ایله مجزوم بر حقیقتدر معاملات اجرا ایسه ده سرعتک نه درجه الزم اولدینی مستغنی الیان و امتداد مزایده مدیون حقنده دکل بر فائده بی مضرتی داعی اولدینی ازاده قید و اثباتدر . حتی بومدت مزایده نک امتدادندن ناشی دواجر اجرا طرفندن صائیل مقده اولان امواله بر کیسه طرفندن رغبت اولدینی و بعضیلرینک بی ایجه لری دوچار ضیاع اولدینی کورلمش وهله دانسارک بو اغورده کرفتار اولدقلری مصارف و مزاحم درجه اعتدالندن بیرون اولدینی اجرا داره لرندن یوکسلان اوازه شکایتدن منفهم بولنمشدر طشره لرده ایسه بو کیفیت دهها زیاده نظر مرحتی جالب بر حالده در قضا محاکمه لرنده مستقل اجرا مأموری بولنمدینی و نائب افتدیلرک بر جوق مأموریتی ایچنده اجرا وظیفه سیده داخل اولدیغندن سنه لر دنیرو اجرا ده سورونمش و هر حاکم طرفندن استعلام ایدلمش بر جوق اطلاعات موجوددر بچاره اصحاب مصالحک نهایت مدیونیه صالح اوله رق ایسه بو صورتله خاتمه ویردکاری مشهودات واقعه جمله سندندره بناء علیه بوکبی املاکک قیمتلی اعتباریه مدت مزایده لری تعیین اوله رق برقریه ده ایکیوز غروش قیمتی خاز بر ترا ایچون سکسلان غروش اعلان اجرتی و یوز سکسلان مصارف سائره ایله برابر مدت مزایده الی ماه دوام ایتمایلدیر نته کیم تسهیلآ لامصلحه بشییک غروش قدر دعاوی حقوقیه قابل استیناف اولمیب بر درجه حکمه تابع طو تیلدینی حالده اجرا خصوصنده بومعامله نک نه ایچون مرعی طو تیلمسون؟ ایکی یوز غروشیدن بشییک غروش قدر املاک و اراضی ایچون بر ماه مدت مزایده تعیین ایدلمسی هم تسریع مصلحته و همده ایجاب عدالته موافق اولور . اجرا قانوننده بوقفه لر نظر دفته الهرق بر املاکک درجه قیمتته کوره مدت مزایده و معاملات سائره نک تقدیری ایچون احکام صریحه بولنمش لایبدر و سکسلان سکر تاریخنده

نشر اولنش اولان بر قانون شو زمان ترقيده مرعي الاجرا اولمسي تجويز اولنالميدر .
 اجرا قرار لرندن طولاني اعتراض واستيناف اولنه ميوب يوبايده اشتكاه عن الحكم
 دعواسي اقامه ايدلمسي لازم كله چكي صراحت قانونيه اقتضاسندن بولنش ايسه ده
 بواشتكا دعواسنك اصول حقوقيده ده جاري اصوله توفيقاً جريان ايدوب ايتيه چكي
 حقنده صراحت اولمديغندن اصحاب مصالح اجرا مسئله لرندن طولاني اشتكاه عن
 الحكم دعواسي اقامه سته مقتدر اوله . دقلمري كبي محاكمه ده بو حكم قانونك تطبيقي
 كر كي كبي اجرا ايديله مديكندن بك چوق حقلمر دوچار ضياع اولمشدر بو نقطه
 مهمه نظر اهميته الهرق مسائل اجرايه دن طولاني « اشتكا » دعواسنك صورت
 اقامه سي حقنده اصول وقواعد مخصوصه وضع وقانونه درج ايدلمسي حقوق عامه نك
 محافظه سي نقطه سندن لوازم معدنندن اولديغي وارسته ايضاحدر .

قسطموني مركز مدعي عمومي معاوني

كالم مختار

مدخل حقوق دول حقنده تنقيدات

و

محمود اسعد افندي به جواب

علوم متنوعه ده يد طولانيه بنام و مضبوط انام اولان معلم محترم محمود اسعد
 افندي حضرتلري ، (مدخل حقوق دول) حقنده كي تنقيداتني نزلاً مطالعه
 بيوره رق جواب ويرمك لطفكار ائنده بولونمشدر . كتابه تعلق ايدن ملاحظاتي
 يازمازدن اول مقاله جوابيه لرنده شايدان دقت كورديكيم بر نقطه حقنده ايضاحات
 ويرمك ايسترم . بر (Encyclopédie vivante) اوراق او زره طانيديغم استاد فاضل ،
 اثر لرينك موقع مناقشه به چكيه چكي وبومناقشه نك مطلقاً (؟) طرف عاجزانه مدن
 وقوعه كله چكي - حس قبل الوقوع قيبيلندن اوله رق - تخمين ايتدكريني بيان ايله
 بيطرفلغمي شبهه به دوشورمك ايستورلر .